

續修臨沂縣志卷十三

民社志

舊志民風篇引漢書君子好稼穡惡浮食以致蓄藏通考載西晉之末爲爭戰之地三百年間傷凌滋甚通志稱俗敦禮讓好名譽猶有古風此可見臨沂民社過去之大概元明末造幾經亂離故今日本地民族考之數百年前多自外來土著者僅十之五六維時土地之空闊人烟之荒涼概可想見滿清中葉海內無事滋生人丁者垂百餘年民庶殷富流俗敦龐歷咸同之亂室家世離而朴厚猶不遜於古近年來匪患兵災瘡痍滿目廬舍邱墟田野蓬蒿秩序幾難維持而合觀全縣重倫理尚敦睦大抵不離乎宗法社會風教固未之改也茲志民社繫以戶口宗教禮俗歲時庶司教養之君子得以覽焉

戶口

國於天地必有與立周禮鄉設鄉師鄉大夫等職遂設遂人遂師遂大夫

臨沂縣志

卷十三

民社志

等職各以歲時稽其夫家之衆寡以次登於大司徒以獻之於王以周知人民之數重戶口也今環球競爭人口尤關重要世界十五萬萬人中歐美白種人占四分之一中國人占四分之一以老大弱國處競存激烈時代所以能綿延至今者徒以有四萬萬人在然考之百年以來人口並未加多現又東北四省約去十成之一矣而美國人口則增至十倍俄國四倍英日皆三倍德國雖經歐戰猶增至二倍有五法國受馬爾薩斯人口論之影響益以歐戰傷亡且增加四分之一由此不改則人日盛而我日衰中國五千年之民族不幾滅亡無日耶臨沂戶口據宣統年之調查爲六十六萬有奇至民國十九年二十年間猶能增至十八九萬惜較之各國人口驟增之速度實覺相差太遠也特志之以自警云

十九年調查戶口數

一區 九千五百一十七戶

男二萬六千九百六十三口
女二萬四千四百三十口

二區 二萬三千四百八十四戶

男六萬九千七百九十六口
女六萬零九百零二口

三區	一萬三千六百一十七戶	男六萬五千五百五十二口 女五萬七千四百五十九口
四區	二萬零六百二十六戶	男六萬一千二百二十四口 女五萬二千三百三十六口
五區	二萬九千一百五十二戶	男七萬七千零二十六口 女六萬六千七百口
六區	二萬一千一百二十九戶	男五萬七千一百四十九口 女五萬三千二百三十一口
七區	一萬九千七百九十九戶	男五萬六千三百六十五口 女四萬八千八百七十口
八區	一萬三千二百八十二戶	男三萬七千五百五十口 女三萬二千一百三十九口
共計戶數十六萬零六百零六戶		男數四十五萬一千六百三十五口 女數三十九萬六千零六十七口

總計男女口數八十四萬七千七百零二口

宗教

宗教起於圖騰之自奉豪酋成於教徒之共守信條而歧於學說之各立門戶歐洲各民族嘗因宗教不同或教同而教會不一抑或神學之見解

臨沂縣志

卷十二

民社志

二

不合往往入主出奴互相嫉忌甚至互相殘殺十字軍之東征三十年之戰爭其明證也中國自孔子本大同主義集堯舜禹湯文武周公之道之大成以範圍天下萬世如日月之經天如江海之納污同化乎遼金元清容納乎佛老耶回雖漢宋異派朱陸異同要皆名教中人總不出孔道藩籬不至演成烈禍其範圍之大而無外遠而無疆確非時間與空間所能限制亞風西漸有自來矣臨沂宗教備載舊志二十年來無甚變遷而信仰自由相安無事亦猶行孔子大同主義也欲知孔教之大而遠觀一邑宗教之概況蓋已可見一斑矣

天主教 詳舊志

臨沂天主教分堂原有三十五處舊志未載今補列於左

鵝莊	湯家屯	十字路	青弋莊	閆家屯	大棗溝頭	雙湖	王
家莊	孫家莊	侯家窩	後明坡	小棗溝頭	塔橋	楊家莊	褚
家莊	李公莊	黑墩屯	南十里堡	張莊	顯孝莊	無梁殿	孟

家園 李家白莊 朱崔 袁家莊 林家莊 劉官莊 于泉 喬家
頂 何莊 神山 西莊 武德 破石橋屯 蘭陵有天主教分堂
一處不屬臨沂

現據天主堂函開城鄉男女教友合計四千餘人

耶穌教 詳舊志

臨沂耶穌教分會共十一處舊志僅載五處內有卞莊一處不屬臨沂或
亦如向城耶穌教堂爲嶧縣所分設與今將十一處分會備列於後

湯頭鎮 鄭家莊 東山東 圪塔墩 張官莊 寇家屯 莊家村

李家宅 長旺 李家莊 黑墩

現據長老會函開本城教友共二百五十九名四鄉教友共三百零五名
向城鎮有耶穌教堂一處係清光緒間由嶧縣分設內立小學校除講經
外悉按中央課程奉教者三十餘戶

道教

臨沂縣志

卷十三

民社志

三

廟觀詳舊志

佛教

寺院詳舊志

中國之有宗教始於道而盛於佛道教起於老子其淵源則本於黃帝老
子生周末傷天下紛爭著書上下篇言道德之意五千餘言曰不爭曰善
下曰致虛守靜曰絕聖棄智曰少私寡欲其大旨不外乎清靜無爲撥亂
世而反之獠狃渾噩之俗其痛絕兵爭也則曰我有三寶持而寶之一曰
慈二曰儉三曰不爲天下先又曰佳兵者不祥之器故有道者不處夫樂
殺人者則不能得志於天下師之所處荆棘生焉大軍之後必有凶年天
下有道却走馬以糞天下無道戎馬生於郊其戒人贖武也則曰抗兵相
加哀者勝矣曰慈曰哀其道蓋與佛氏無異佛出印度而以釋迦牟尼集
其成其流傳中土者或判以四教或判以五教大要不出乎十宗其義蘊
以爲死生泡影宇宙微塵知覺煩惱思想誕妄惟此妙明心湛然圓覺無

天地無我無衆生無壽者相超越物質界而遊於精神界者能爲獨闢妙香天國以慈航普渡大千世界其理想之高尙殆較之老子有遇之無不及也要之佛老之學皆具有救世苦心與近世天演家之學說適成反比例古者大亂之後休養生息蓋嘗用之或者天演流弊之極有用佛老救世之一日乎然天演過於劇烈佛老過於頹廢施之人道同爲失中又况二氏自成爲宗教以來剃度僧徒住持道士誦經說法均以筌蹄爲魚兔歷漢晉六朝愈流愈失拜偶像以祈福指草木以爲崇而輪迴齋醮金丹符咒之說紛然起矣附會既久淫祠朋興而荒刹古寺或致流爲匪巢其僧道之縱欲敗度者求其守清規重經卷而不得抑何數典忘祖也

天方教

詳舊志惟教戶住所舊志漏載四處今補列於後

大山集十餘戶 青山套十餘戶 大中村胡家宅子共十餘戶

按老尙虛無佛空色相回守清真均之消極民國元二年間各宗教發

臨沂縣志

卷十二

民社志

四

憤有爲分道揚鑣一時道教分會佛教分會回教俱進分會紛紛然相繼成立數年以還寢成弩末迄於今蓋寂然無聞矣天主耶穌抱神學重譯而來積極宣傳在耶穌爲尤甚然考其教友二十年内均未加多其四鄉分堂不過舍宇空存教徒之不爲利誘者殆未必始終確信獨此先民流傳之古教一尊既定萬劫不磨雖宗教林立而我行我法卒無害於一道同風也於戲

禮俗

民風一篇舊志已載奚庸贅述然風俗之升降恆視一邑之政教爲轉移舊志成於民國五年蓋已十九年於茲矣前乎今者惡濁之氣習積漸演成後乎今者舊染之汚俗賡續鼎新故政教者風化之樞機樞機之發汚隆之主也原始要終謹著於篇

四禮概況與習俗變遷

冠禮之廢由來久矣其餘婚嫁喪祭大率不離乎舊志所載乃自歐風東

漸多倡爲打倒閨訓推翻禮教之說果爾則人欲橫流親恩莫報不有綱紀其何能國幸地近鄒魯舊道德深入人心蚩蚩者不肯從風而靡數千年之文化賴以不墜今考其禮俗之近古者如婚嫁無媒不交雖不重親迎然此外率遵六禮婚前壻謁廟無廟者謁墓有告以成人之意可補冠禮之缺既婚三日夫婦盛服或謁家廟或謁墓或拜主於寢卽以徧拜尊長猶有古者三日廟見之遺意焉喪禮自袒括髮至卒哭其間如小斂大斂衰絰苦塊受弔停柩成主銘旌家奠永訣既葬孫乘舁抱王父木主孝子捧舁歸安主於家廟或寢室行返虞禮祭則小祥大祥禫而除喪忌日必祭歲時薦羞一切均不踰於古慨自潮流變遷自由擇配中道離婚者不少概見婚姻之禮廢而夫婦之道苦矣喪大事也而衣冠中人或廢衰麻哭踊之節否則因搶架頻仍藉口畏禍不恤以天下儉其親往往數日渴葬使民未有聞焉臨喪如斯何有於祭禮俗至此全縣之禮教不幾根本動搖耶尤有進者清末以來上下恬嬉驕奢淫佚羣相效尤若吸鴉片

若賭博若宿娼沈溺不返幾成痼疾其敗法亂紀影響社會者極大非禮俗中之重累與幸今者政教革新力挽狂瀾於旣倒狷介自持勤儉率物運禮義廉恥之善教以振頹風矢禁煙禁賭禁暗娼之決心以祛惡習剔積弊起沈疴二年之間潛移默化行將舉全縣之穢德濁流滌盪而廓清之蓋所以撥亂世而反之正者胥惟良有司是賴特舉此以志幸而吾邑前途之進化甯有旣乎

歲時

舊志詳